



¿Dios carasha
nishca alicunata
chasquingapaj
munanguichu?
¿Imashna culqui
tucuipi pacta
canata yachasha
ninguichu?

Culquita imashna pactachinamanda yachajushcata cutin ashaguta tigrashpa ricuna

- I. Culquipash, shinallata ima charishcacunapash na yuyaita churanachu canchi, ashtahuangarin ñucanchi ñavitapash ñucanchi causaipi ali canacunapilla churashpami rina canchi.
- II. Taita Dios ñucanchiman carashcamandaca ashata shican churashpami randi tigrachina canchi.
- A. ¿Ima ñavihuanda carashpa tigrachina canchi? Ninan cushijuihuan, shinallata carana munaihuan.
- B. ¿Mashnatata cuna canchi? Chungamandaca shujtami cuna canchi.
- C. ¿Imapajta cuna canchi?
1. Pastorcunaman
 2. Shuj llactacunaman rishpa Diospaj shimita villajcunaman
 3. Juyaita Ricuchingapaj
 4. Diosta crij aillupura cumba tucushpa cushijuihuan tandanajungapaj
 5. Crijcuna tandanajupi culqui pishiyangapaj
- D. ¿Imashna cajpipash tucui cai jipaca, imashpata cuna canchi?
1. Dios mandashcamandami cuna canchi.
 2. Taita Dios ‘Ima minishtirishcagucunatapash carashapachami’ nishpa rimashcata ñucanchi quiquin cai causaipi chasquingapaj cunami canchi.
 3. Diosmi tucui ñucanchi ima charishcacunatapash carashca, shinallata ima minishtishcacunata charijpipash Paillatami punllandi carashpa cushichijun. Chaimandami Taita Diosmanga juyaihuan, pashi nishpa cuna canchi.
 4. Shuj patsajmanda chungatapash, carana munaihuambacha ima caranagucunatapash iglesia nishca crijcuna tandanajuimanga apanapachami canchi, chai carashcacuna illajpica crijcuna tandanajuica, irqui, ima ushapash illaj, shinallata ima ruranacuna tiyajpipash na rurashpa pactachi ushangachu.

¡Dios imashna paipaj culquita pactachijta yachajui!

¡Diospajlla causaj alipacha crijtaca Taita Diosmi ‘Tucui imalla minishtirishcacunata carashpa pactachishapachami’ nin!

Taita Diospaj shimipica, Dios ‘Carashapachami’ nishpa rimashcacunaca ashtacapachami tiyan; Diospaj shimipica chaitapachami tarinchi:

Apunchi Jesucristoca nishcami:

³¹ Cangunaca: ‘¿Imatashi micushun? ¿Imatashi ufiashun? ¿Imatashi churajushun?’ ninajunguichimi. **Na chashna nishpa musparinachu canguichi.** ³² Chashnaca, Diosta na rijsijcunallami chaicunatalla yariashpa causan. Ashtahuangarin **canguna chaicunata minishtijta, jahua pachapi tiyajuj cangunapaj Taitaca ña yachanmi.** ³³ **Ashtahuangarin Taita Dios mandajuj llactapi causanata, imatapash alicashcatalla rurashpa causanata, pundaca mascana canguichi. Shina causajpica, tucui canguna munashcataca jahuan jahuan caramujungallami.** *Mateo 6:31-33*

Villachun cachashca Pablopash nishcami:

³¹ Shina cajpica, ¿imatata nina canchi? Taita Dios ñucanchihuan cajpica, ¿pita ñucanchitaca imatapash ningayari? ³² **Taita Diosca, paipaj Churitapachapash na mitsashpami, ñucanchimanda, tucucunamanda huañuchun caramurca. Paipaj Churitapash carashca cashpaca, ¿nachu ñucanchimambash tucuita imatapash caramunga?** *Romanos 8:31-32*

Salmota escribij rucupash nishcami:

²⁵ Ñucapash huambrami carcani, ñami rucuyani.
Imatapash alicashcatalla ruraj runa jichui tucushcataca, na ricushcanichu.
Paipaj huahuacuna micunata mañanajuptapash, na ricushcanichu.
²⁶ Paica, ima horapash llaquishpa mañachinllami.
Paipaj miraicunapash, bendiciai tucungami. *Salmo 37:25-26*

Shinaca **Taita Diosca paipaj huahuacunataca huacaichimbachami.**

¿Ñucanchi charishca tucui ima alicunatapash Dios caramushcataca yachanguichu? ¿Diosllami ima alicunata caranatapash charin, paimandallami ima alicunapash shamun!

Taita Diosca, jahua pachamandami imatapash na pandashpa juyailla rurana alicunatami caramujun. Paica, jahuapi punchayachijcunata ruraj Taitami. Paica, na shuj tucushpa chashnallatami. Paitaca, ima llandupash na yanayachi ushanllu. *Santiago 1:17*

¿Cai **tucui culqui pacta canaca** chashnapachami! Cunan punllacunapica imashna culqui tucui pacta canamanda, chaita imashna japinamandapash ashtacatapachami parlanajun, ashtahuangarin chaicunaca ninan llullashcallami can: ¿Dios illajca ima culqui tucui pacta canapash illanmi!

¹³ ¿“Cunan cashpa, caya cashpapash, shuj huatacaman randishpa, jatushpa culquita mirachingapaj cai llactaman, chai llactaman jacuchi” nishpa purijcuna, cunan uyahuaichi! ¹⁴ **Caya punlla ima tucunatapash, napacha yachashpami causanguichi.** ¿Ñucanchipaj causaica imatayari? **Ashatalla fuyu ricurishpa, ñapash tucurinashnami causanajunchi.** *Santiago 4:13-14*

Cutin cai versocunata ricushpa yarishun

Ashtahuangarin Taita Dios mandajuj llactagupi causanatarata, imagutapash cashcatapacha rurashpa causanatarami, pundaca mascana canguichi. Shina causajpica, tucui chaicunata canguna munashcataca jahuan jahuan caramujungallami. *Mateo 6:33*

Shujcunaman caraichi, Diospash cangunaman carangami. Ali medishpa churashpa, tushuchishpa, jicharijta jundachishpami cangunaman migllachinga. Shujcunaman imashna medishpa carajpash, chashnallatami Diospash cangunaman caranga” nijurcami. *Lucas 6:38*

Caitaca, cunanda rurashpa ricuichilla. Canguna shina rurajpica, ñucapash jahua pacha ventanacunata pascashpami, ashtacatapacha bendiciamusha. Tucuita Mandaj Dios ñucami, chashna nini. *Malaquías 3:10b*

Ricardo Aschmann, ricardo@quichua.net.

Cai yachajunata mishu rimaimanda Imbabura runa rimaiman chimbachijca Segundo Anrangomi.

Cai libroca tucuripi alichishca punllaca: 20-noviembre-2021mi.

Tucui cai yachajunapi Diospaj shimimanda ricushcaca, *Diospaj Shimi* nishca Imbabura runa rimaiman chimbachishca Bibliamanda japishcami, ©1994 *Sociedades Bíblicas Unidas*. Ñucanchi majjan alichishcacunataca rurashcanchi.

Majjan dibujocunaca <http://www.believerlinks.com/cortright//gladpsr.htm>, http://www.biblekids.eu/new_testament/parables_of_jesus/parables_of_jesus.html/Widow%27s_Offering_9.htm fangacunamanda japishcami.

Macedoniapi tiyaj crijcunaca aligutapacha yachajushcatami cashcata rurashpaca ricuchinajurca, chaica napacha panda carcachu: **carana munaihuambacha imagutapash caranaca ninan alipachami.** Dios tucuiguta carashcamanda, **shuj patsajmanda chungata** cushcamanda, shinallata imagutapash carana munaihuambacha carashcamanda shuj crijcunaman **randi** carashpa cushichina alipacha cajtaca yachanami canchi.

4. Shuj patsajmanda chungatapash, carana munaihuambacha ima caranagucunatapash iglesia nishca crijcuna tandanajuimanga apanapachami canchi, chai carashcacuna illajpica crijcuna tandanajuica, irqui, ima ushaipash illaj, shinallata ima ruranacuna tiyajpipash na rurashpa pactachi ushangachu.

Chungamanda shujguta ñucaman tucuilla cunataca, granota alichina ñuca huasiman apamuichi. Shina apamujpimi, ñuca huasipica micuna tiyanga.
Malaquías 3:10a

Apunchi Jesuca shuj runamanda parlashpami ñucanchimanga yachachin, chai runaca Dios illaj ña tucuiqui pacta cana culquita ña japishcatami yajurca:

¹⁶ Jesuca, cashnahuambash chimbapurashpa parlashpami, cutin yachachirca: “Shuj ninan charij runapaj alpacunapica, ninandami granocunaca fucujurca. ¹⁷ Shina fucujpimi chai runaca: ‘¿Imatata rurashayari? Chai tucui granocunataca maipi alichitapash, na ushanachu cani’ yashpami purijurca. ¹⁸ Shinamandami cashna yajurca: ‘Cunanga, cashna rurasha. Granota alichina ñuca huasicunataca, jatun huasicunata huasichingapaj urmachishalla. Shina urmachishpaca, tucuiimanda yalita huasichishpami granocunatapash, imata charishcatapash tucuita alichisha. ¹⁹ Shina rurashpaca, ñuca almataca: Ñuca almalla. Mashna huatacamambash micungapaj, ashtacatami alichishca charingui. **Cunanga samajuilla, ninanda micushpa, ufiashpa, ninanda cushijusha**’ nirijurcami. ²⁰ Ashtahuangarin Taita Diosca, chai runataca cashnami nirca: **‘Juizu illaj runa, cunan tutallatami cambaj almata mañangapaj shamunga.** Can imata charishcatapash, ¿pimanshi saquingui?’ nircami. ²¹ Chashnami, pailla imatapash ninan valishcacunata alichishpa charingapaj tandachij runaca tucun. Charij tucushpapash, Taita Diospaj ñaupajpica, imapash illajmi”
Lucas 12:16-21

“¿Ñucaca chai culqui tucuiqui pacta canataca munanipachami! ¿Ñucaca chaitaca Taita Dios carachunmi munani! Taita Dios tucui imalla minishtirishcacunata carashpa pacta-chichunga, ¿imashnata Diospajlla causaj, alipacha crij cai ushani?”

Taita Dios tucui imalla minishtirishcacunata carashcata alipacha chasquij crijea Diospaj shimipi chaimanda imata nijutapash yachanmi, chaimi paipaj causaipi Diospaj munaita punllandi pactachishpa rina munaita charin:

I. **Culquipash, shinallata ima charishcacunapash na yuyaita churanachu canchi, ashtahuangarin ñucanichi ñavitapash ñucanichi causaipi ali canacunapilla churashpami rina canchi.**

Apunchi Jesucristoca nishcami:

Ricui, charij tucunatalla na munashpami, ali yuyarishpa causana canguichi. **Imata ninanda maijan runa charishpapash, chaihuan unaita causajuitaca, na ushangachu.** *Lucas 12:15*

Ashtahuangarin cai culqui tucuiipi pacta canamandaca punllandi, punllandimi **cai pachapica** panda yachachishcacunatalla uyanchi. ¡Huaquingunacarin “Imata ninanda maijan runa charishpapash, chaihuan unaita causaitaca ushangapachami, imatapash ashtaca alicunata charishpallami ali causai ushanchi” nishpamari yachachin! Chashna nishcapash llullapachami.

Caihuanga imapash illaj huajcha causaita mascashpa chaihuan cushi canataca na nisha ninllu, ¡chashnaca napacha cangachu! Ñucanchica Agurpaj churi Jaqué Diosta mañashcashnami mañashpa causana munaita charina canchi:

8 Imapash yangacunata,
 Ilulla shimicunataca ñucamanda anchuchihuayari.
 Shinallata **IMATAPASH NA CHARIJ CANATAPASH,**
ninan charij canatapash ama cuhuaichu.
Micungapaj pactanatalla carahuayari.
 9 **Na ushajta micushpara,** canda **cungashpa:**
 “¿Mandaj Diosca pitayari?” nijupaiman.
 Na cashpaca, **IMATAPASH NA CHARISHPARA shuhuashpa,**
 ñuca Taita Diospaj shutitara, **nali shimicunata rimapaiman.**
Proverbios 30:8-9



Caipica Pabloca crijcuna munaihuambacha carashca culquitami tandachijun, cai culquica Jerusalén llactapi tiyaj mama tandanajuipajmi carca, caipica ninan minishtirishcacunata, jatun yarjaicunata, tucui laya llaquicunatami unaitapacha charirca. Caipaca Macedonia llactapi tiyaj crijcuna tandanajuipi tandanajushca crijcunaca ñami carana munaihuambacha caranataca aidashca carca, chaimi Pabloca Corinto llactapi tiyaj crijcuna tandanajuipi tandanajushca crijcunatapash carana munaita charichun Macedonia llacta crijcuna rurashcashna

rurachun yuyaita cujun.

¿Caipica Diospaj shimica imatata yachachijun?

Verso 2: Macedonia llactapi tiyaj crijcuna tandanajuica Corinto llactapi tiyaj crijcuna tandanajuitaca yali minishtirishcacunata charijcunami cashca. Shina cashpapash paicunaca carana munaihuambachami paicunapaj minishtirishcacunapaj ashagutalla charishpapash carashca.

Verso 3: Cai tandanajuj crijcunaca paicunapaj minishtirishcacunapaj ashagutalla charishpapash chaimandapash yalishpami carashca.

Verso 4: Quishpirinamanda villanaca paicunapajmanga Jerusalén llactapi tiyaj tandanajuj crijcunamanda shamushcamandami chaipi juchamanda anchurishpa Diospajlla causanajuj crijcunataca **ninan cushijuihuambacha** aidashpa cachanajushca.

Verso 5: Chai huauquicunaca na culquitalla cushpami, ashtahuangarin quiquin causaihuambash Mandaj Jesuspajtaca ruranajushca, chai jahuami carana munaihuambacha imagutapash carashpa cachanajushca.

Shinaca Taita Dios tucuita carashcamandaca **shungumandapacha** pashi nishpami cuna cashcanchi, paipaj Churi ñucanchipaj quishpirinata paipaj causaihan randishcamandallapash na pashi nina cashcanchichu, tucui minishtirishcacunata punllandi carashcamandapashmi pashi ninajunalla canchi, chaimandaca ñami Mateo 6:31-33 versocunapi ricushcanchi.

Mushuj Testamentopica Macedonia Provinciapi crijcuna tandanajuicuna juyaila rurashcata ricuchishcami tiyan, cai provinciaca Grecia llactamandaca janajmanmi cashca. Cai Diospaj shimi yachachishcapica, villachun cachashca Pablo cutin shuj crijcuna tandanajuiman escribijutami ricunchi, caica Acaya Provinciapi Corinto pueblapi tiyaj crijcuna tandanajuipajmi cashca, cai pueblaca Grecia llactamandaca uraimanmi cashca, shinallata caipica Macedonia Provinciapi tandanajuj crijcuna imata rurashcamandapashmi rimajun:

¹ Huauquicuna, panicuna, cangunamanmi caita villangapaj munanchi: Macedonia llactapi tandanajuj crijcunataca, Taita Dios ninandami juyashca. ² Paicuna imashna cajta ricungapaj, **jatun llaquicuna japijpipash, ninandami cushijunajurca. Imaguta na charishpapash, carana munaitapacha charishpami ninandapacha caranajurca.** ³ **Paicunaca cushijushpami, paicuna carai ushanaguta caranajurca. Ashtahuan yalishpapashmi caranajurca.** Chaitaca, ñucapacha ricushpami villajuni. ⁴ **‘Diospajlla causajcunaman carangapajmi, ninanda munanchi’** nishpami, ‘Carachun saquihuaichi’ nishpa, ñucanchitaca ninanda mañanajurca. ⁵ Ñucanchica, ‘Ashagutallami caranga’ yarcanchimi. Ashtahuangarin paicunaca, Apunchi Jesustarami ‘Punda mandahuai’ nishpa mañanajurca. Shinallata ‘Taita Dios munashcashnami mandahuaichi’ nishpa, chai jipaca ñucanchitapash mañanajurca. *2 Corintios 8:1-5*

Caica juyaila yachachishcami, ¿nachu? Macedonia Provinciapi tiyaj crijcuna tandanajuicuna nishpaca Filipos pueblapi, Tesalónica pueblapi crijcuna tandanajuicunamandapashchari rimajun. Filipos pueblapi crijcuna tandanajuimandapash ñami Filipenses 4:14-19 versocunapi ricurcanchi.

Ashtahuan valij charijyanacunata japinaca na cai pachapi tiyanllu. Apunchi Jesucristoca chashnami yachachin:



¹⁹ Cangunaca, na **CAI PACHAPI CHARIJYANGAPAJLLA**, imatapash ninanda mirachinachu canguichi. Cai pachapica, **polilla jurucuna micushpa tucuchinllami, ismushpapash tucurinllami. Shuhuacunapash, huasita utujushpa apanllami.** ²⁰ Ashtahuangarin **jahua pachapi charij cangapajmi**, imatapash ali rurana canguichi. Jahua pachapica, polilla jurucunapash na micushpa tucuchinllu, na ismushpa tucurinllu. Shuhuacunapash, na allashpa apanllu. ²¹ **Maipi imata charishpapash, shungupica chaita yariajmi purinajunguichi.** *Mateo 6:19-21*

Caitami tapurina canchi: ¿Maipita charijyangapajlla, imatapash ninanda mirachijuni? ¿Ñucaca, ñuca ñavitaca imapita churashpa ricujuni? Villachun cachashca Pablopash caimandaca ali yuyarinapimi churan:

⁷ **Cai pachapica, imatapash na charishpami huacharinchi. Shinallata cai pachamandaca, imatapash na apai ushashunllu.** ⁸ Shina cashcamandaca micunata, churajunata charishpallata, cushijushpa causashunchi. ⁹ Ashtahuangarin charijyangapaj munajcunaca, imatapash nalita yarichijuj nali munaicuna urmachingapaj shamujpimi, lažupishna urmashpa imatapash nalitara ruranajun. Shinamandami shinlli shungu tucushpa, ninandapacha culqui munai huaglichishpa, gentecunataca ninanda llaquichishpa, chingaita chinganaman apajun. ¹⁰ **Culquita juyashpa causanami, imatapash nalitalla ruranataca sapishna callarichin.** Huaquingunaca, ninanda culquita munashpami, crishpa catijushcatapash saquin. Shinamandami, ninan llaquicunata apanajun. *1 Timoteo 6:7-10*

Aligutapacha ricungui: culquica ima nalitapash na apamunllu, ashtahuangarin ¡culquitalla munashpa, chaita juyashpa causanami! ¡Jatun llaquicunataca apamun!

¡Taita Diosca ñucanchi imata charishpapash chaihuanllata cushijushpa causachunmi munan! Villachun cachashca Pabloca caimandaca alipachami yachajurca:

¹¹ Imapash illaimandaca, na cashna nijunichu. **Imata charishpapash, chaillahuan cushijushpa causanatami yachajurecni.** ¹² Charishpapash, na charishpapash, imashna causanatapash, tucuiipi imashna causanatapash yachanimi. Micushpa causanatapash, na micushpa causanatapash yachanimi. Charij causanatapash, imapash illaj causanatapash yachanimi.

¹³ **Cristo shinllipacha ushaita carajpimi, tucuita rurai ushani.**

Filipenses 4:11-13

¿Ñapash culquita kuj nishca fangata charingapaj munanguichu?

¿Huaquimbi, huaquimbillapash ñapash culquita kuj nishca fangata randishcanguichu imashpallapash? ¿Ñucaca na! ¿Ñapash culquita kuj nishca fangata charingapaca na munanichu! “¿Imashpata na munangui?” ninguichari. ¿Ñuca causaita llaquipi churashpa musparingapaca na munanica!



Ñapash culquita kuj nishca fangata randishpa chaihuan culquita charij runacunapaj causaimanda paicuna imashna cajta, huaquingunacarin chai ñapash culquita kuj nishca fangata randishpa chaihuan culquiyu tucushpa pundaman llaqui causaita charishcatapash ashtahuan yalishpa jatun llaquiman yaicushpa causajcunamanda tapuicunata rurashpa yachaj chayashcata yachashcanguichu? ¿Imashpa? Chaica yapa fangallami: paicunaca ninan charijpacha cashcata yanmi, shina yarishpami, culquica ima horapash na tucurina cajpishna yangata tucuchi callarin. Ashtahuangarin chai jipaca, tucuiilla cumbacunapash, shinallata aillucunapashmi ñucanchimambash chaupishpa carachun nishpa, ¡shinallata na rijsishca, na charishca cumbacunapash chaipica ricurin!

Quishpirinamanda

Ñucanchi causai imashna cashcata yarishun:

Tucucuna juchata rurashcamandami, Taita Diospaj punchapambagumanda anchuchi tucushca causanajun. *Romanos 3:23*

Ñucanchica tucuiillami juchayu cashcanchi, chaimandami “Taita Diospaj punchapambagumanda anchuchi tucushca” causanajunchi. Chaimi Diospaj ñaupajman ñucanchillata chayaitaca na ushanchi. ¡Caica yapa shinllipachami! ¿Shinapacha cashpaca imashi tucushun? Ricushun:

Juchata rurashpa causajcunamanga, huañushpa chingagrinatami cujun. Ashtahuangarin ñucanchi Apunchi Cristo Jesumandami, causaita causagrinata Taita Diosca yanga caramujun. *Romanos 6:23*

¿Imatata japina canchi? Adán Eva Edén pambapi juchata rurashcamanda huañushcashnami, ñucanchipash juchayu cashcamandaca huañuitalla japina canchi. Na aichapi huañuitallaca japishunllu, Espiritupi huañuitapashmi japina canchi: **tucuiillami** nina cuchaman rina canchi, chaipica ninan llaquicunatalla japishpami causaita causaicaman causashun, quishpichij Cristota na chasquishpa na paipaj causashcamandaca.

Shinallata caipica **ali villaitapash** ricunchimi: **Ñucanchita huañuchina pushtupica** Jesusmi cruzpi chacatai tucushpa huañushca, paica huañushca cashpapash quimtsa punlla jipaca cutin **causarishcami, chaimi paica ñucanchi llaquirishpa ‘Quishpichihuai’ nishpa ñucanchita quishpichij cachun chasquijpica Paica causaita causaicaman viñai causaita caranga.**

¿Ñachu chaitaca rurarcangui? Nara chaita rurashca cashpaca, ña cunanllatami rurana cangui. Chaita imashna rurana cashcata na yachashpaca, ñucaman *correo electronicota* cachahuangui, na cashpaca cai escribishca tucurishca manñapi villajuja ricungui. **Can caita rurashpaca cambaj causaipi ima horallapash na rurashca causaipaj minishtirishca alitami rurangui.**

¿Caica “Quishpirishcacuna charijyangami” nij villaichu? Napacha.

Caipica “Quishpirishcacuna charijyangami” nij villaitaca na villajunichu”. Huaquingunaca ‘Shuj patsaj-manda chungata cujpica, Diosca ninan charijcunatami ruranga’ nishpa yachachinmi. ¡Diospaj shimica na chashnaca yachachinllu! Chashna yachachinapaj randica, Diospaj shimica: ‘Charijyangapaj munashpa imashna charijyana nishcacunapilla cangunapaj ñavita churashpaca na purinachu canguichi’ nishpami yachachin. Chaicunamandaca ñami Diospaj shimipi pundaman ricurcanchi.



Diospaj shimica caimandaca shicandapachami yachachin:

¹ Cangunaca, Cristohuan causarishcamandaca, **jahua pachapi tiyajtallami mascana canguichi**. Chaipica Cristomi, Taita Diospaj ali ladoman tiyajun. ² **Cai pachapi ima tiyajtash na yarishpami, jahua pachapi tiyajtalla yarishpa causana canguichi**.

Colosenses 3:1-2

Cai pachaca ña na ñucanchi causana llactaca canllu. Filipenses 3:20 versoca cashnami nin: “...**ñucanchi causagrina llactaca, jahua pachapimi**.” Ashtahuangarin Hebreos 11:13 versoca cashnami nin: “**Caru llactamanda shamushpa purinajunshnami, cai pachapica purinajunchi**”. Chashnapachamari canchi.

Ashtahuangarin Taita Diosca, **ñucanchi imaguta minishtishcatapash carashpa pactachingapachami**, Filipenses 4:19pi nishcashna. Shinallata Malaquías 3:10pi: “...**ñucapash jahua pacha ventanacunata pascashpami, ashtacatapacha bendiciamusha**” nishcamari.

Ashtahuangarin, paicunaca culquica tucui charishca llaquicunata anchuchinata yanmi. Shuj punllami televisiombi shuj cuita 54 millón dólares culquita ñapash culquita cuy nishca fangata randishcauan japishcata ricurcani, chaica Florida, Estados Unidospimi carca. Chai televisión ucupimi cuitsataca tapuita rurashca, chaipica paica: “¡Tucucuna yachachunmi munani, nara cazarashca canichu!” nirca. Chai cuitsaca chaira viñailapash, juyailapash na carcachu. Shina cashpaca: “Chai huarmica yapa juižu illaj huarmimari cashca. **Maichi ñapashca** cazarai ushanga, ashtahuangarin ima tucujpipash napashchari paica yachangapaca munangachu” yarcanimi.

“¡Ñucaca chaitaca na ruraimanllu!



Chaicunatapash yali alipacha juižuyumi caiman” ninguimanllari. Shina cajpipash Diospaj shimi Bibliaca: “Ñapash fangalla imapipash urmanallami canguí, ñapash ‘Culquita cuy nishca fangata na munanichu’ nishpa yalitaca na ushanguichu” ninmi, cai versocunapi ricushcashnaca.

‘Culquita juyashpa causanami, imatapash nalitalla ruranataca sapishna callarichin’ 1 Timoteo 6:10 versopica nijunmi. Ñapash culquita cuy nishca fangata randij runaca **culquita juyashpa causaj** cashcatami ricuchin. Shinallata ñapash culquita cuy nishca fangaca shuj llaquitapashmi apamun, Diospaj shimica imatapash shinllita rurashpa causanatami yachachin. Chaimi imatapash charinguichi, na imatapash rurashpa, imatapash charinapaj randica. Chashnami nin Pablopash:

Cangunahuan cashpaca, cashnatami mandarcanchi: “**Maijambash imata ruranatapash na munashpaca, micuitapash ama micuchun**” nircanchimi.

2 Tesalonicenses 3:10

II. Taita Dios ñucanchiman carashcamandaca ashata **shican churashpami** randi tigrachina canchi.

A. *¿Ima ñavihuanda carashpa tigrachina canchi? Ninan cushijuihuan, shinallata carana munaihuan.*

⁶Ashtahuangarin ñucami, cashna nini: **Ashallata tarpushpaca, ashallatami japinga. Shinallata ashtaca muyuta tarpushpaca, ashtacatami japinga.**

⁷Tucuicunallata cangunapaj shungu yarichishcatami, carana canguichi. Na llaquirishpami carana canguichi. Mandajpillapash na caranachu canguichi. **Taita Diosca, cushijushpa carajtami juyan.** ⁸Taita Diosca ninan ushaita charishpami, ninanda juyajun. Shina cashpami, **canguna imata charichumbash, tucui causaipi ninanda caramujun.** Shina caramuj-pimi ima alita rurangapajpash, imapash na illaj canguichi.

2 Corintios 9:6-8

Caipi ima tucushcata ricui:

⁴¹Diospaj huasi ucupi culquita carashpa churana cajón chimbapurapi-mi, Jesusca tiyajurca. Chai cajonbica, mashna culquita gentecuna churajtami ricujurca. Charij gentecunaca ashtacacunami, ninanda carashpa churanajurca.

⁴²Shinallata **imatapash na charij, shuj sapalla mama** shamushpaca, ishcai yura

culquitami churarca. Chai culquica, ashtahuan uchilla culquimi carca. ⁴³Chashna churajta ricushpami Jesusca, paipaj yachajujcunata cayashpa:

—Na llullashpami, cangunataca cashna nini: **Cai sapalla huarmica, imata na charij cashpapash, caishuj gentecuna culquita carashpa churashcataca yalitami, cajonbica churarca.**

⁴⁴Caishujcunaca charij cashpapash, puchutallami churanajurca. Ashtahuangarin imatapash na charij cai sapalla huarmica, **pai micunata randingapaj charijushca tucuilla culquitamari carashpa churan**—nijurcami.

Marcos 12:41-44



3. Diosmi tucui ñucanchi ima charishcacuna-tapash carashca, shinallata ima minishtishca-cunata charijpipash Paillatami punllandi carashpa cushichijun. Chaimandami Taita Diosmanga juyaihuan, pashi nishpa cuna canchi.

Chaimandaca Romanos 8:32pi ñami ricushcanchi: “Taita Diosca, paipaj Churitapachapash na mitsashpami, ñucanchimandaca tucuicunamanda huañuchun caramurca.” Chashna caramushcamandami tucui crijcunallata, ucu shungumandapacha Taita Diostaca ninandapacha pashi nishpa mañanata charinchi. Shinallata cazuna munaihuan, pashi nishpami chai ashaguta cuchun nishcatapash tigrachina canchi. ¿Imashpa? Ñucata juchayu cashcamanda ninandapacha llaquichi tucunata charijpipash chaimanda cacharichishpa quishpichishcamanda, shinallata jahua pachapi paihuan causaita causagrichun ñucaman shuj huasita ña alichishcallamanda.

¿Shuj na crij, shuj patsajmanda chungata cushpa pactachinata na charishcataca yachanguichu? Shuj patsajmanda chungata cunaca crijcunapajllami. **Imashpapash** shuj na crijca crijcuna tandanajuipaj imagutapash carasha nijpica, chai caranataca na jarcarishpalla chasquinallami. Chai na crijca, crijcunaca imashpa crijcuna tandanajuiman cujtaca napashchari yachai ushangachu. Na cashpaca chashna carashpaca Diosmanda ima alicunatapash japinatachari yanga. Ni imata na japingachu. ¿Imashpa? Ñucanchica imapash alicunata rurashcamandaca na quishpiri ushashunllu, ashtahuangarin chai quishpirinaca Taita Dios carashcami. Maijambash quishpichishcata nara charishpaca, ni imata na charinllu. Caicarimbash Dios munashpapacha carashca quishpirinamanda villashcami.

- Semana punllacunapi shuj crijpaj huasipi Diospaj shimimanda yachaicunata ruranami.
- Tandanajuj huauqui huañujuj cajpi, jambij huasipi cajpi ricugrinami.
- Tandanajuj crijcunamanda, paicunahuanllata Taita Diosta mañashpa punllata yalinami.
- Diospaj shimimanda, crij causaimanda tandanajuj crijcunata yachachinami.
- Tandanajuj crijcunata, ali yuyaicunata cushpa yachachinami, shinallata shujcuna ali yuyaicunata cuchun mañajpica, paicunamambash ali yuyaicunata cushpa yachachinami.
- Dios mandajpi causanaman shamuchun shujcunaman quishpirinamanda villanami. Ashtahuangarin chaita rurachun tandanajuj crijcunaman yachachinami.
- Tandanajuipi pushajcuna aliguta imatapash rurachun ricunami.

Shuj huauqui pastorca caicunatapashmi, rurashpa pactachinata charin. Caicunataca, punllandi rurashpallami pactachi ushan. ¡Huaquin pastorcunallami semanapica chuscu chungu (40) horastalla Diospajta ruran! Ashtahuambash tauca pastorcunami chai chuscu chungu horastapash yalishpa Diospajta ruran.

Jahuaman 1 Timoteo 5:17-18 versocunapi nishcashnaca, «Imagutapash ruraj runaca, culquita japinataca charinllatami». Chai culquica tandanajuj crijcuna, shuj patsajmanda chungata cushcamanda, shinallata imagutapash carana munanayaihuambacha carashcamandami shamunlla.

¡Pipash cai cusa huañushca huarmi rurashcata ashtahuan yalishpa ruraitaca napacha ushangachu! ¡Paipaca nima na **puchunata yachashpapash**, Taita Diosta juyaimandaca tuculla pai charishcatami cararca!


Huaquimbica, cai pachapi causajcunapaj uyaipi, ricuipica juižu illaj runa rimashcatashnami Bibliaca riman, ricuchin:

Cashna imatapash rurashpa causashpami: ‘Imapash illajcunaman carana canguichi’ nishpa yachachijurcani. ‘**Carajpi japijcunatapash yalimi carajcunaca, ninanda cushijun**’ nishpami, Apunchi Jesusca yachachishca. Chaitaca, yarinami canguichi” nijurcami. *Hechos 20:35*

Ashtahuangarin maijambash Diosman caranata yachajushpaca, chaica chashnapacha cana cashcatami paica ricun.

B. ¿Mashnatata cuna canchi? Chungamandaca shujtami cuna canchi.

Bibliaca na pacashpallami Taita Dios chungamanda shujta tigrachichun munajujtaca yachachijun, chaica imata rurashpa culquita japishca cashpapash shuj patsajmandaca chungata (10%) anchuchinatami ninmi. Tucui caipaj jahuaca, imata carangapaj munashpapash carana munanayaihuambacha carachumbashmi munan.



“¿Imamandata cai tucuitaca cuna cani? ¿Nachu ñuca culqui can? ¿Nachu ñuca shinllitapacha imatapash rurashpa cai culquitaca japircani, mashnata cunatapash nachu ñucallata yarinalla cani?” ninguichari. Na, culquica na cambajchu, chaitaca yachanami cangui.

Ñucanchi ima charishcapash Taita Diosmandallami shamun, jahuaman Santiago 1:17pi ricushcashnaca, ashtahuangarin crijcuna cashpaca ñucanchi causaipash ña na ashtahuan ñucanchipaca canllu, ashtahuangarin Cristomi juchapaj ushaimanda caccharichishpa randirca:

19 ... Shinamandami, na cangunapajllata causanguichi. 20 Cangunaca, ninan valishcapaj randi tucushcami canguichi. Shina cajpimi cangunapaj cuerpopuan, espirituambash, Taita Diosta alicachina canguichi. Cuerpopash, espiritupash, Taita Diospajmi. *1 Corintios 6:19-20*

‘Shuj patsajmanda chungata caranaca na ñucanchi munashcata, ushahpalla caranaca canllu’ nijujta Diospaj shimipica tauca pushtucunapimi ricunchi. Malaquías escribishcapicarin Diosca cashnami riman:

8 ¿Runaca, Taita Diospajta shuhuai ushanllu? Cangunami, ñucapaj cashcata shuhuaranguichi. Shina shuhuahpash: ‘¿Imatata shuhuaranchi?’ ninguihimi. Cangunaca, **chungamanda shujta cunatapash, ñucaman imata cunatallatapash, na cushpami** shuhuaranguichi. 9 Cai llactapi tucui causajcunalla, cangunaca ñucaman cunata shuhuahcamandami, ninandapacha nalicachi tucushcacuna canguichi. 10 **Chungamanda shujguta ñucaman tucuilla cunataca, granota alichina ñuca huasiman apamuichi.** Shina apamujpimi, ñuca huasipica micuna tiyanga. **Caitaca, cunanda rurashpa ricuichilla. Canguna shina rurajpica, ñucapash jahua pacha ventanacunata pascashpami, ashtacatapacha bendiciamusha. Tucuita Mandaj Dios ñucami, chashna nini.** 11 Tucuita tucuhijtapashmi, cangunamandaca jarcashpa rimasha. Shina jarcajpimi, cangunapaj pambapi fucushca granocunataca na tucuchinga. Cangunapaj pambapica, uvas chagracunapash alimi fucunga. Tucuita Mandaj Dios ñucami, chashna nini. 12 Cangunapaj llactaguca munanayai cajpimi, tucui llactacunapi causajcunaca: ‘Cushijushpami paicunaca causanajun’ ninajunga. Tucuita Mandaj Dios ñucami, chashna nini” nijurcami. *Malaquías 3:8-12*

“¿Imashpata huauqui pastormanga semanapi shuj horasta tandanajuipi cashcamandalla, quillapi japina culquita cuna canchi?”

Chashna yarij gentecunaca tiyambachami, ashtahuangarin huauqui pastorpaj ruranacuna ima cajta, imashna, mashna cajtapash na yachanllu. Domingo punllapi shuj horasta Diospaj shimita villangapaj shayarijtallami ricun, chaimi ‘Shuj horastallamari Diospaj shimitapash villan’ nishpa yarishpa ricun. Shinallata Diospaj shimita villangapaj aligutapacha yachajuna, Diospaj shimimandalla japishpa yachachina, mashna horasta, mashna punllata minishtij cashcatapash na yarinllu. Huauqui pastor ashtahuan shuj ruranacunata pactachinata charishcatapash na yarinllu.

Huauqui pastorca, domingo punllapi Diospaj shimita villangapaca, crijcuna tandanajuiman rishpa Diospaj shimimanda yangata maipipash japishpalla leyishpa chaipi imata nijujta na aliguta yachajushpaca na villanllu. Diospaj shimita aligutapacha yachajushpa villanata alichinaca tauca horascunatami minishtin. ¿Diospaj shimita chaupi horaspilla aligutapacha yachachinata alichina, mashna horasta minishtijta yachanguichu? Caitaca alipacha yachachinata charij canamandami rimajuni, Diospaj na llullaj shimimanda yachachishcaca, uyajcunapaj shungumambash yaicujtami uyarina can. ¡Cashna alipacha yachachinacunata alichinaca, chungu sucta (16) horascunatashnami minishtin! Caica ¡ishcai punllapi imatapash rurashcahuan pactami!

Shinallata, uyajcuna yachajui ushanalla yachachinacunata Diospaj shimimanda japingapaj, chaipi imata yachachijutapash aliguta yachajungapaj, na atinashca shimicunamanda imata nijujta ricuchij fangacunapi mascashpa alichingapajpash, Diospaj Espirituta aidahuai nishpa tauca horascunata mañanapash caipica yaicunmi.

Caica callaripi huauqui pastor, rurashpa shuj pactachinallami. Huauqui pastorpaca ashtahuan rurashpa pactachinacunapash tiyanrami:

Taita Diosca na ñucanchishnachu cuentan.

¿Ñuca quillapi japishca culquimandaca chungamanda shujta quichujpica imashnata ashtahuan cangayari?

Canga: “Caitaca na yachai ushanichu. Mashna culquita quillapi japijushcatapash yachanimi, ima minishtirishcacunata randinapajpash chaica na yapa pactahuanllu. ¿Imashnata chungamanda iscunhuanllacarin ali cashayari?” ninguipashchari. Ñucaca imashna culquita cuentantapash yachanimi: culquita cuentangapaj yachaicunata chasquishcata ricuchij fangatapash charinimari. Shina cajpipash caitami nishapacha nini, caica culquita cuentanata yachashcamandaca na canllu, caicunaca Dios mandashcami, pai: ‘Ima minishtirishcagucunatapash carashapachami’ nishpa rimashcamandami. Diosca tucui ima tiyajpajpash dueñomi, ‘Imaguta carashami’ nishcatapash carashpa pactachimbachami.

Ñuca causaipipash, shinallata shujcunapaj causaipipash taucamanmi ricushcani: Cai Dios mandashcata cañushpa causajpica, Diosca pai ‘Carashapachami’ nishcataca carashpapacha pactachijta, **imashpapash** cai rurachun nishcacunata na pactachishpa shujman churashpa yangata yalishpaca, culquica imapajpash na pactajpimi llaquirishpalla causaringa.

Crijcuna tandanajuipash chashnallatami tucun: Maijan crijcuna tandanajuipash paicuna tandachishpa charishca culquimanda, shuj llactacunaman rishpa Diospaj shimita villajcunata, quishpirinamanda villajcuna tucui cai pacha muyundita rishpa crijcuna mirachun caipi, chaipi yachachijcunata aidajpica, Diosca, pai ‘Carashapachami’ nishcataca carashpapachami pactachinga, shinallata tucui ashtahuanmi viñaringa. Cutin, “Na yapalla charinchichu, chai asha charishcapash cai tandanajuipi minishtirishcacunata randishpa tucuchingapajllami tiyan, chaimi shuj llactacunaman rishpa Diospaj shimita villajcunamanga nara cui ushanchi” nij tandanajuica, culquica imapajpash na pactajpimi llaquirishpalla causanga, ashtahuan viñaritapash na ushangachu. Chashna tucushcataca cutin, cutin ricujushcanillami.

¡Dios paipaj culquita cuentanaca chashnami!

Huaquin crijcunaca shuj patsajmanda chungata cunaca Ñaupá Testamento yachachijuj huatapi causaj crijcunapajlla cashcata yanmi. Chaimi: “Mushuj Testamento yachachijuj huatacunapi causajcunaca ashtacata carangapajpash ashallata carangapajpash, ñucanchi munashcashna agllana ushaita charinchi” yan. Shinallata huaquingunacarin Jesús yachachishcatami ricuchin:

Mandashca shimita yachachijcuna, fariseocuna, ¡aij imachari tucunguichi! Cangunaca mishqui shimi, jayaj shungucunami canguichi. Cangunaca, mentatapash, anistapash, cominostapash, chungamanda shujgutami, Taita Diosman caranata yachanguichi. **Mandashca shimipica:** ‘Imatapash cashcatapacha rurashpa causangui, shujcunatapash llaquishpa juyangui, Diostapash ali cringui’ **nishpami yachachijun. Ashtahuangarin chaitarami na rurashpa causanguichi. Chaita aliguta pactachishpami, Diosman caranatapash na saquishpa causana canguichi.** *Mateo 23:23*

Ashtahuangarin caipica Jesusca cai punllacunapi causaj crijcuna shuj patsajmanda chungata na cunachutaca na nijunllu, caipica ninmi: **“Chaita aliguta pactachishpami, Diosman caranatapash na saquishpa causana canguichi”**. “Chaita aliguta pactachishpami” nishpaca mandashca shimipi tiyajujmanda huaquin mandashcacunaca ashtahuan minishtirishca cashcatami yachachisha nirca, chai pactachinacunaca alicunallata rurana, llaquishpa ricuna, shinallata Diospajlla causana carcami. ¡Ashtahuangarin “Diosman caranatapash na saquishpa” nishpaca shuj patsajmanda chungata cunatami riman! Shuj patsajmanda chungata cunataca ‘Imatapash cashcatapacha rurashpa causangui, shujcunatapash llaquishpa juyangui, Diostapash ali cringui’ nishcacuna ashtahuan yali alica canmi. Shina cashpapash, ‘Shuj patsajmanda chungata cunaca Diospaj shimipica cunapachami’ nishpa escribishcami tiyajun.

Tucuicunami cui ushanchi, shinallata shuj patsajmanda chungatapash cunapachami canchi, ashallata japishca cashpapash, ashtacata japishca cashpapash. Ni imata na charij iglesia nishca crijcuna tandanajui cashpapash cui ushanmi, **chunga huasi ucupura aillucunalla** crij cashpapash cui ushanmi, cai chungapura aillucunallapash shuj patsajmanda chungata cunami can, chashna rurashpaca, **huauqui pastorman pai japina cashcata cui ushangami**. Chaica chaishuj crijcuna japijushcashnallata minishtirishcacunapaj chari ushangami!

C. ¿Imapajta cuna canchi?

Shuj patsajmanda chungata cunamanda, shinallata imaguta carana munaita charinamandapash Diospaj shimica tauca yuyaicunata **cushpami** yachachijun, ashtahuan minishtirishcamanda callarishpa na yapa minishtirishcacaman cuentashpa ricujpica pichami tiyan:

1. Quiquin iglesia nishca crijcuna tandanajui Diospajta rurashpa tauca horas semanandi aidaj crijcunaman, ashtahuambachaca **huauqui pastorcunaman**, paicunapaj minishtirishcapaj tiyachunmi cuna.
2. **Shuj llactacunaman rishpa Diospaj shimita villajcunata**, chai laya Diospajta rurajcunata, crijcuna illaj pushtucunapi crijcuna tiyachun Diospaj shimita villajcunata aidai ushangapajmi cuna.
3. Tandanajuj crijpurapi minishtirishcata charijcunaman **juyaita ricuchingapajmi** cuna. Chai juyaica na crijcunapajlla canachu, crijcuna maipi tandanajuj pushtu muyundipi causajcunapajpashmi cana can.
4. Huaquimbillapash **Diosta crij aillupura cumba tucushpa cushijuihuan tandanajungapajmi** cuna. “Iglesia” shimica chai crij aillumi nisha nin. (Diospaj shimipica “Iglesia” shimica napacha shuj huasichu nisha nin, ashtahuangarin maipi cashpapash tandanajuj crijcunami nisha nin.)

2. Taita Dios ‘Ima minishtirishcagucunatapash carashapachami’ nishpa rimashcata ñucanchi quiquin cai causaipi chasquingapaj cunami canchi.

Caicunatapash pundaman Dios yachachishca shimicunapi ñami ricushcanchi, Mateo 6:33pi, 2 Corintios 9:6-8pi, Malaquías 3:10-12pi. Ashtahuambachaca cai catipi Jesús rimashca shimicunami aligutapacha yachachin:

**Shujcunaman caraichi,
Diospash cangunaman carangami.**

Ali medishpa churashpa,

tushuchishpa,

jicharijta jundachishpami cangunaman migllachinga.
Shujcunaman imashna medishpa carajpipash, chashnallatami
Diospash cangunaman caranga. *Lucas 6:38*



2) Cashnaca, Diospaj ruranapaj culquita na cuna munaita charishpa juchachinguichari. Chashna munaitaca napacha charina canchichu: Diospaj shimica cuchumbachami mandan. Imashna cajpipash tucui cai jipaca, taita Diosca pai mandashcata caʒushcamandaca, ‘Imaguta carashami’ nishcatapash carashpami candaca cushichinga, chaica imashna, imapi culquita tucuchishcamandaca na cangachu.

Diosman cunaca, Dios mandashca cashcata crishpa ruraj tandanajuita pushajcunaca, shuj crijta ‘Shuj patsajmanda chungata cunami cangui’ nishpa mandanataca na charinllu. Shinallata ‘Pimi shuj patsajmanda chungata cujung, maijanmi na cujung’ nishpa tapuita rurashpa yachai chayanatapash na charinllu. Chaitaca canhuan, taita Dioshuanllami yachana cangui.

Huaquin tandanajuicunapica, tandanajushca crijcunata ‘Shuj patsajmanda chungata cunapachami canguichi’ nishpa mandajcuna tiyanmi, chaimi huaquin crijcunacarin, patsajmanda chungata cunajushcata ricuchingapaca paicuna, mashnata huacaichishpa charishcatapash ricuchina tucun. Chashna ruranaca, Diospaj shimi yachachishcashnaca na canllu: shuj patsajmanda chungata cunamandaca canhuan, taita Dioshuanllami yachana cangui.

D. ¿Imashna cajpipash tucui cai jipaca, imashpata cuna canchi?

Caimandaca chuscuyuyaicunami tiyan, chaicunaca chuscundi alipacha minishtirishcami:

1. Dios mandashcamandami cuna canchi.

Chashna cashcataca pundaman Dios yachachishca shimicunapi ricushcanchimi.

5. Crijcuna tandanajuipi culqui ama pishiyachunmi cuna.

Chashna cajpica crijcuna maipi tandanajui ushangapaj ima minishtirishca tiyajpipash churangapaj culquita charingapajmi cuna. Caica tucui punda rurana cashca cunata pactachishca jipa canami can. Ari, na llullachu, Mushuj Testamentopica caicunamandaca na rimanllu. ¡Shina cashpapash cunan punllapi tauca tandanajuj crijcunaca tandanajuna huasicunapaj ashtacatami gashtanajun, ashtahuangarin punda rurana cashca minishtirishcacunapaj ashallatami gashtanajun. ¡Chaica napacha alichu!

Caicuna chashna cashcataca Diospaj shimimi tauca pushtucunapi ricuchishpa yachachijun, Ñaupá Testamentopash shinallata Mushuj Testamentopashmi yachachin, ashtahuambachaca cai chuscuta rurashpa pactachinacunatami chashnapacha canataca ricuchin.

1. Pastorcunaman

Quiquin iglesia nishca crijcuna tandanajuipi Diospajta rurashpa aidaj crijcunaman, ashtahuambachaca **huauqui pastorcunaman**, shuj patsajmanda chungata cunaca tucuijahua pundapimi cana can. Caitaca Ñaupá Testamentopipash shinallata Mushuj Testamentopipashmi ricui ushanchi.

Caicunamandaca villachun cachashca Pablopash tauca pushtucunapimi yachachin:

Diospaj Shimita yachachijmanga, tucui imaguta charishcatapash, yachajujcunaca asha asha **carachun** ninimi. *Gálatas 6:6*

¹⁷ **Crijcunata mandaj rucucuna** aligutapacha mandashpaca, **ashtahuan alicachi tucunatami charin**. **Villashpa, yachachishpa** trabajajcunacarin, ashtahuambachami alicachi tucunata charin. ¹⁸ Dios escribichishca Shimipica, cashnami nijun: “Trillajuj huagrataca, ama shimita huatanguichu” nijunmi. Shinallata: **“Imagutapash ruraj runaca, culquita japinataca charinllatami”** nijunmi. *1 Timoteo 5:17-18*

¹³ Diosman carangapaj apashcataca, ¿nachu Diospaj huasipi Diosta servijcuna micun? Shinallata Diosman carashcacunata altarpi rupachishpa servijcunapash, ¿nachu chai altarmandallata micun? ¹⁴ Shinallata **ali villaita villajcunaca, ali villaita villashcamanda micuchunmi**, Apunchi Jesusca mandashca. *1 Corintios 9:13-14*

Ashtahuambacha cai tucuripi yachachishca shimicunami chashnapacha cashcataca ricuchishpa yachachin, shinallata Ñaupa Testamentopash, Mushuj Testamentopash chai yachachinallatami charin: Tucui Diospajta rurajcunami chai rurashcamandallata japishpa causana ushaita charin, paicunaca Diospajta rurajcuna cashcamandaca imatapash shujta rurashcamanda japishpa causanaca na canllu. Villachun cachashca Pabloca huauqui pastortaca Ñaupa Testamento yachachijuj huatapi Diospajta ruraj curacunahuan, shinallata chai huatapi templo nishca Diospaj quiquin huasita alichishpa causachun agllai tucushca levita runacunahuambash pacta cashcata ricuchishpami yachachin.

2. Shuj llactacunaman rishpa Diospaj shimita villajcunaman

Villachun cachashca Pablotaca Filipos llactapi, Macedonia llactapi crijcuna tandanajuica taucamanmi culquita cushpa aidashca. Chai llacta crijcunaca Pablopaca ninan alipacha valishcami cashca, shuj llactacunaman rishpa Diospaj shimita villaj huauquicunapash chashnallata aidashca canatami charin. Chaitami Diospaj shimipipash ricunchi:

Diospaj ñaupajpi, ñucanchipajllata ashtahuan japigrina mirachun

Jahuaman Diospaj shimipi nishcashna Diospaj rurancuna rurarithpa pactachun culquita cunaca ninan jatun alicunatami apamun. Taita Dios ‘Ima minishtirishcagucunatapash carashapachami’ nishcacunatapash apamunmi. Tauca yachachij crijcunami Filipenses 4:19 versopi nijujtalla ricuchin:

Ñuca Taita Diosca, imagutapash ninandami juyaila charin. Chaitami, canguna imaguta charichumbash, Cristo Jesusmanda caramunga. *Filipenses 4:19*

Shina cajpipash chai yachachishcata tucuilla cutin aligutapacha ricushpaca alimi canman. ¡Cai ‘Taita Dios caramungami’ nishpa rimashca shimica, Diospaj **rurancuna rurarithpa pactachun, crij aillu** viñachun culquita cushpa aidajcunapajmi!

¿Nacha culquita yanga tucuchinga?

Huaquingunaca ningapachami: “¿Ñuca cushca culquitaca crijcuna tandanajuita pushajcunaca nacha yanga imapipash tucuchinga? Chaimandaca ishcai yuyaitami cusha nini:

1) Crijcuna tandanajuipi Diosman cushca culquita ama pipash yangata imapipash tucuchichunga, chaita jarcai ushangapaj cazuchina mandashcacunatami churana. Chaica Diospaj culquita pacalla japingapaj, imapash cachun tucuchingapaj munaj pushajcunata jarcangapajmi canga. Chai cazuchina mandashcapica ima hora culquita japishcata, imapi culquita tucuchishcata ricuchina nishcacunatapashmi churana. Chaimi culquitaca aliguta apai ushanga. Ishcai, na cashpaca quimtsapurapaj ñaupajpi, paicuna ricujta caicunataca rurancuna. Shinallata mashna culqui tiyajta, mashna culqui tucurishcata, imapilla tucuchishcata ricuchishpa villaj uchilla fangatapashmi alichina. Chaica tandanajushca tucuilla crijcuna yachachun ricuchingapaj cangami. Cambaj tandanajuita pushajcunapash cai cazuchina mandashcacunata na charijpi, na cazunajupica, shuj iglesia nishca crijcuna tandanajuitachari mascana tucungui.

5. Crijcuna tandanajuipi culqui pishiyangapaj

Crijcuna tandanajuipi culqui pishiyamandaca Taita Diosllatami cashna nin:

Chungamanda shujguta ñucaman tucuilla cunataca, granota alichina ñuca huasiman apamuichi. Shina apamujpimi, ñuca huasipica micuna tiyanga.
Malaquías 3:10a

Maijan iglesia nishca crijcuna tandanajuipash culquitaca pishiyachinmi, crijcuna tandanajuna pushtuta chari ushachunga piman culquita cunata charishpapash cunami, caica na canachu, chaishuj chuscu ashtahuan minishtirishcacunata rurashpa pactachinapaj pundapica, ¡huauqui pastormanra cushpami callarina!

Huaquin iglesia nishca crijcuna tandanajuicunaca huasichinapi, chai tandanajuna pushtu ucu huaglishcata alichinapi, chai jatun huasipillami, huauqui pastormanga na cushpa, ashtaca culquita tucuchin.

Ashtahuangarin, quillandi culquita cuna huasipi, na cashpaca mañachishca huasipi Diosta yaringapaj tandanajushpa, huauqui pastorman culquita cunaca alipachami. Diosta yarina quiquin huasita charishpara huauqui pastorman culquita na cunaca nalipachami.

Mushuj Testamentopica chai punlla crijcunaca, chai crijcunapaj huasicunapillata Diosta yaringapaca tucuicuna tandanajuj cashcata ricunchimi. (Roma llactapi: Romanos 16:3-5, Corinto llactapi: Romanos 16:23, Éfeso llactapi: 1 Corintios 16:19, Colosas llactapi: Filemón 1:1-2)

Shinallata chai punllacunapi crijcuna Diosta yarina quiquin jatun huasita charishcataca ni shuj pushtullapipash na ricuchinllu.

¹⁴ Shina cajpipash, ñuca jatun llaquipi cajta ricushpami cangunaca, ñucataca cushichingapaj carahuarcanguichi.

¹⁵ Filipos pueblopi causanajuj crijcuna, cangunallata ñami yachanguichi. Ali villaita villai callarijushpa, Macedonia shuti llactamanda ñuca rijujpica, tandanajuj chaishuj crijcunaca, imagutapash na carahuarcachu. Ashtahuangarin cangunallami, ñuca villajuja uyashcamanda, culquiguta cararcanguichi. ¹⁶ Ñucaca, Tesalónica pueblopi cashpa, imagupaj na charijpipash, cangunami cutin cutin carashpa cachamurcanguichi. ¹⁷ Imatapash carahuachun yachashpaca, na chashna nijunichu. Ashtahuangarin Diospaj ñaupajpi, cangunapajllata ashtahuan japigrina mirachunmi, cashnaca nijuni. ¹⁸ Canguna caramushcagutaca, tucuita japishpami, cunanga ashtacata charini. Epafrodito shuti huauquiman mingashpa cachamushcahuangarin, ashtahuanmi charini. Canguna cachamushcami, Diosman carashpa rupachijpi, mishquillagu ashnajunshna tucushca. Chaitaca, Taita Diosmi cushijushpa chasquijun. ¹⁹ Ñuca Taita Diosca, imagutapash ninandami juyaila charin. Chaitami, canguna imaguta charichumbash, Cristo Jesusmanda caramunga.

Filipenses 4:14-19

3. Juyaita Ricuchingapaj

Diospaj shimi Ñaupá Testamentopica juyaita ricuchina shimimandaca, tauca pushtucunapimi ricui ushanchi, shuj patsajmanda chungata cushcaca chai huatacunapi minishtirishcacunata charij crijcunata aidangapaca ninan alipacha cashcatami, caipica ricuchijun:

Cambaj chagrapi fucushcamandaca, chungamanda shujguta cuna huatapica, cada quimsa huatapimi, chungamanda shujguta cuna cangui. Shina cushca jipami levitamambash, shuj llactamanda shamushca runamambash, taita mama illaj huahuagumambash, sapalla mamagumambash carana cangui. Shina carajpimi, can causajuj uchilla llactacunapica, na ushangacaman micunajunga. *Deuteronomio 26:12*

Chai huatacunapica taita mama illaj huahuacuna, cusa huañujpi paicunalla saquirishca huarmicunami ashtaca tiyashca. Paicunaca llaquicunamanda pi cacharichishpa huacaichinatapash, pi micunata carajtapash na charishcachu. Shujcuna juyaita ricuchishpa imagutapash carajpillami causaj cashca. Caru llactamanda shamushcacunapash shinallatami causanajushca. Paicunaca ninan jatun llaquicuna, ninan jatun macanajuicuna quiquin llactapi tiyajpi chaimanda pacajushpa shamushpami chaipica mingarishpa causanajushca. Ashtahuangarin Levitacuna, templo nishca Diospaj quiquin huasita punllandi alichishpa causachun agllashcami carca, Mushuj Testamento yachachijui huatapi huauqui pastorcunapash Diospaj ruranapajllata agllai tucushcami.

Mushuj Testamentopica crijcunaca chai rurashpa pactachinacunallatata charishcata ricunchimi:

Taita Diospaj ñaupajpi tucui shunguhuambacha ima mapapash illaj crij canaca, cashnami: **Taita mama illaj huahuagucuna, sapalla huarmigucuna** jatun llaquipi cajpica **ricugrinami**. Cai pachapi imapash nalihuan mapayanamandaca, cuidarishpami causana. *Santiago 1:27*

4. Diosta crij aillupura cumba tucushpa cushijuihuan tandanajungapaj

Dios mandashca shimimanda Moisés japishpa yachachishcata catishpa Diosta crij aillupura cumba tucushpa cushijuihuan tandanajunaca carcami. Shuj patsajmanda chungata cushcaca quiquin aillucunata, juchullapi causajcunata, ashtahuambachaca minishtirishcacunata charijcunata tandachishpa, micuicunata rurashpa tucucuna tandanajushpa micushpa cushijungapajmi carca:

²² Cambaj pambapi huatapi huatapi fucushca tucui granocunamandami, **chungamanda shujguta** na cungashpa cuna cangui. ²³ **Chungamanda shicanyachishcataca** trigota, vinota, aceiteta, punda huacharishca huagracunata, llamacunatapash, canda Mandaj Taita Diospaj ñaupajpimi, paipaj shutita chaipi churangapaj agllashca pushtupi **micuna cangui**. Canda Mandaj Taita Diosta, punllandi manllashpa causanata yachajungapajmi, chashna rurana cangui. ... ²⁶...canda Mandaj Taita Diospaj ñaupajpi cambash, cambaj familiacunapash **micushpa cushijunguichilla**.

²⁷ Cambaj pueblacunapi causanajuj **levitacunataca**, na jichushpa saquinachu cangui. Paicunaca, canhuanga imata japinatapash, alpata japinatapash na charinllu.

²⁸ Cada quimsa huata tucuripimi, huatapi huatapi canguna tandachishca granocunamanda **chungamanda shujguta** shicanyachina cangui. Chaitaca, cambaj pueblacunapillata alichinguilla. ²⁹ Chashna charijpimi, cambaj pueblacunapi causanajuj canhuan imata japinatapash, alpata japinatapash na charij **levitacuna, shuj llactamanda shamuj runacuna, taita mama illaj huahuacuna, sapalla mamagucunaca**, cambajman shamunga. Shina shamushpami paicunaca, na munangacaman micunga. Can imata ruranapipash, canda Mandaj Taita Dios bendiciachunmi, chashna rurana cangui. *Deuteronomio 14:22-29*

Mushuj Testamentopipash chashnallata rurachun yachachishcatami ricunchi:

⁴⁶ Punllandimi, Diospaj huasipipash shujllashnalla yarishpa tandanajunajurca. **Shinallata paicunapaj huasicunapipash tandata chaupishpami, ali shunguhuan ninanda cushijushpa, tandanajushpa micunajurca**. ⁴⁷ Taita Diosta alicachinajupimi, paicunatapash tucui gentecuna alicachinajurca. Jatun Diosca, pai quishpichisha nishcacunata punllandi quishpichishpami, tandanajuj crijcunata mirachirca.

Hechos 2:46-47